

Tutu ñanoó ña n̄taa taPedro ña ti'ví ra kua'an nda'a n̄ivi na kándixa Jesucristo

*TaPedro ti'ví to'on yó'o
kua'an ña chindeé ra n̄ivi na kándixa Jesucristo*

¹ Yi'í, taPedro, ñii taapóstol ta kisa chiño noo Jesucristo kúu. Ta táa.í tutu yó'o xa.ñ ña nda'a ndó'ó, n̄ivi na kándixa Jesucristo, na kúu na n̄ixita ní'no ta táku ndó ñoo n̄ivi na on sivi kúu naño m̄i ndó. Ta ñoo xíyo noo táku ndó vitin kúu ña ñó'o kua'a xiiña ña ñani Ponto, Galacia, Capadocia, Asia xí'in Bitinia.

² Yivá yó Ndios nda ñanoó xa xini ra ndó'ó ta na.ka.xin ra ndó'ó ña kuu ndó sa'ya ra. Ta xí'in Níma ra kisa ndivi ra ña kuu ndó n̄ivi na ndii noo ra. Ta ke'é ra ñayó'o xí'in ndó chi kóni ra ña kasa ndivi ndó to'on ña n̄ika'an ra, ta kóni ra ña nakata ra kuachi ndó xí'in n̄i Jesucristo ña n̄ixita nda'a tón cruz. Ta vitin kóni.í ña ke'é Ndios ví'í ní ka ñava'a xí'in ndó, ta ná taxi ra ñava'a koo ini ndó. Ta ná kutú nda.ñ ini ndó xí'in ndi'i ñava'a yó'o.

*To'on yó'o ká'an ndasaá xini ñó'ó kutaku yó
ta kundati yó ñava'a noo Ndios*

³ Ta ná kasa ká'no yó Ndios, ta kúu Yivá Jesucristo, Ta.ñ taKá'no noo yó. Saá chi Ndios kúnda'ví ní ini ra xini ra m̄i yó, ta ke'é ra ña ka.ku xa.ñ yó noo ra, chi sa.nata.ku ra Jesucristo

nḡḡ ña nḡxi'i ra. Ta xa'a ña natakḡ Jesucristo, ndino'o ndáa ini yó ta ndáti yó naki'in yó ñava'a kḡndḡḡ Ndios taxi ra nda'a yó.

⁴ Mḡi ñava'a yó'o ña ndáti yó xa yóo va'a ña ñoyívi nḡno, ta nda ñii kḡvi ḡn kukini ña, ni ḡn tḡví ña, ta nda lo'o ḡn ndi'i xa'a ñava'a yó'o.

⁵ Chi xa'a ña ndino'o ndáa ini yó Ndios, Ndios xí'in ndee ra ndixa ndáa ra mḡi yó, xa'a ña sakaku va'a ra yó. Saá chi ña ke'é ra saá kúu ña chḡtónḡ Ndios, ta sanatḡvi ra ñayó'o nḡḡ nḡvi tá kixaa kḡvi sondí'í ñoyívi.

⁶ Ñakán ná kunakaa ñasḡi ini ndó, vará xínḡ ñó'ó xḡ'vḡ ndó ku'a'a ní nḡḡ ñayo'vḡ ña koto ndoso ndó'ó, ta ña xó'vḡ ndó vitin lo'o kuiti kḡvi kundo'o ndó saá.

⁷ Kixaa ñayo'vḡ nḡḡ ndó ña koto ndoso ña ndó'ó án ndixa ndino'o ini ndó kándixa ndó Jesucristo, chi ña kándixa ndó ra ndatán yóo kaa oro, saá yóo ña. Ta ndatán yóo ño'ḡ ña xíxḡ, saá yóo ñayo'vḡ xó'vḡ ndó, saá chi ño'ḡ ña xíxḡ xá'mi ña ndi'i kaa vḡchí ña ndḡḡ ndaa xí'in oro, ta ndi'i xa'a ñakaa ḡn vá'a yó'o, ta saá kḡndḡḡ kuiti nina mḡi oro. Ta ña kándixa ndó Ndios ta ña kúndeé ini ndó xí'in ñayo'vḡ ña xito ndoso ndó'ó, ndáya'ví ní ka ñayó'o nḡḡ ña kúu kaa oro, chi ndi'i xa'a ña kúu oro ñii kḡvi vaxi. Ta ndó'ó, tá ḡn vása sandakoo ndó ña va'a kándixa ndó Ndios, ta kḡvi ndikó Jesucristo ñoyívi yó'o ta ndi'i nḡvi kuchiño koto na ra, ta saá Ndios kasa ká'no ra ndó'ó, ta taxi ra ñatḡ'ó nda'a ndó.

⁸ Vará ḡn ta'án koni ndó Jesucristo xí'in nduchḡ nḡḡ ndó, ta ndó'ó kí'vi ní ini ndó xínḡ ndó ra, ta kándixa ndó ra. Ta ká'no ní ñasḡi nákaa

ini ndó, t̄and̄a ni ɔn v̄asa n̄aní'i ndó t̄o'on ña nandaxin ndó ndasaá yóo ñasij nákaa ini ndó.

⁹ Ta kúsij ní ini ndó vitin chi kúndāa ini ndó ndí Ndios xa s̄ak̄aku ra ndó'ó xa'a ña kándixa ndó Jesucristo.

¹⁰ Naprofeta na ñika'an ndoso t̄o'on Ndios kuiya x̄ina'á, nayó'o ví'í ní ka'vi na ta vivíi sakuá'á na xa'a ña kundāa ini na ndasaá ke'é Ndios ña sakaku ra ñivi. Ta ndato'on na x̄i'in ñivi xa'a ñava'a saní'i Ndios m̄ij yó chi t̄a ká'no ní ini kúu ra.

¹¹ Níma Ndios* ñika'an ña ini naprofeta, ta ndato'on ña x̄i'in na ndasaá koo ña xo'v̄i Cristo, t̄a t̄a ti'ví Ndios ñoyívi yó'o ña sakaku ra ñivi, ta ndato'on ña ndasaá koo ña ká'no ní ñato'ó naki'in ra sond̄i'i. Ta Níma Ndios ndato'on ña ndi'i ñayó'o kuiya x̄ina'á, tá'an kúman̄i ku'a ní ka kuiya ña kixaa ña kundivi ñayó'o. Ta saá naprofeta yó'o ka'vi na ta sakuá'á na ndasaá kundāa ini na yu kuu Cristo, ta ama kundivi ñayó'o.

¹² Ta Ndios n̄andaxin ra ñoɔ naprofeta ndí ɔn sijví xa'a k̄iv̄i ña táku m̄ij na kúu ña ká'an ra x̄i'in na, ta xa'a k̄iv̄i ña táku m̄ij yó vitin kúu ña ñika'an ndoso na kuiya x̄ina'á. Ta m̄ij t̄o'on va'a ñika'an ndoso nayó'o x̄ina'á, vitin ink̄a ñivi x̄i'in ndeē Níma Ndios ndato'on na t̄o'on yó'o x̄i'in ndó xa'a Jesucristo. Ta and̄a naángel kóni na kundāa ini na xa'a ñava'a ke'é Ndios x̄i'in m̄ij yó.

T̄o'on yó'o ká'an ndí Ndios kóni ra ña kutaku ndii yó ñoɔ ra

* **1:11** Níma Ndios ñii kúu ña x̄i'in Níma Jesucristo.

13 Ñakán kani va'a sijní ndó ndasaá koo kasa ndivi ndó ña xá'nda chiño Ndios. Koo ti'va ndó ña nasita xí'in mji ndó noo ña on vá'a, ta ndino'o ní ini ndó kandixa ndó ndí Ndios ndixa taxi ra ñava'a nda'a ndó kivi kixi tuku Jesucristo ñoyívi yó'o.

14 Chi xíní ñó'ó kasa ndivi ndó ña ká'an Ndios, ndatán yóo naválí na kisa ndivi to'on ká'an yivá na, saá kasa ndivi ndó. Ta vitin on kutaku ka ndó kasa ndivi ndó ña on vá'a kóni yíkí koñu ndó, ndatán xitaku ndó kivi xikuu ndó nivi na naa ini.

15 Ta saá nda víka xíní ñó'ó kundikon ndó ko'on ndó yichí va'a, ta kutaku ndii ndó noo Ndios, chi Yivá yó Ndios ta kana mji yó nduu yó sa'ya ra, kúu ra ta ta ndino'o ndii.

16 Chi noo to'on Ndios ña nítáa na xina'á, nika'an ra xí'in nivi na ndíkon ña'á, kachí ra saá: "Xíní ñó'ó kuu ndó nivi nayji na kutaku ndii noo i, chi yi'i kúu ta tayji", kachí Ndios.

17 Ta ndó'ó ká'an ndó ndúkú ndó ñava'a noo Ndios, ta kachí ndó Yivá ndó kúu ra, ta saá, xíní ñó'ó kundaa ini ndó ndí Ndios on vása ñakaxin ra nivi, ta kúu ra ta ndasaá kuiti xí'in ñandaa kasa nani ra xa'a ndi'i ña ké'é nivi ñoyívi yó'o, ta xa'a ñayó'o xíní ñó'ó xí'in ñato'ó kasa ndivi ndó ña kóni ra ndi'i saá kivi ña táku ndó ñoyívi yó'o.

18 Chi xíní ndó Ndios sakaku ra ndó'ó noo yichí yatá ña on vása ndaya'ví ña nixika ndó si'na, chi naxji síkuá ndó kúu na saná'a ndó'ó yichí yatá yó'o. Ta on sivi xí'in oro ta ni on sivi xí'in plata, kúu ña cha'vi Ndios xa'a ña sakaku ra ndó'ó noo ña kuá'an ndó yichí yatá, chi ñaoro xí'in ñaplata ñii kivi ndi'i xa'a ñayó'o.

19 Ta xí'in n̄i Jesucristo ña ndáya'ví ní ña n̄ixit̄a nda'a tón cruz k̄iv̄i n̄ixi'í ra, kúu ya'vi ká'no ní cha'vi ra xa'a ña sakaku ra ndó'ó. Ta ndatán yóo ñii ndikachi lo'o tí ndii ndino'o, ta on koó ña on vá'a kómí rí, tí sóko nasut̄u noo Ndios xa'a kuachi n̄ivi, saá n̄ixiyo Jesucristo.

20 Ta on ta'an ka kuv̄a'a ñoyívi yó'o, ta Ndios ch̄indú'u ra ndí Jesucristo kuu ta ta kasa ndivi chiño yó'o. Tá xa vaxi yatin k̄iv̄i sondí'í, ta Ndios t̄i'ví ra Jesucristo k̄ixaa ra ñoyívi yó'o. Xa'a ña kí'vi ní ini ra x̄ini ra ndó'ó, k̄ixaa ra ña sakaku ra ndó'ó.

21 Xa'a ñava'a k̄isa ndivi Jesucristo kúu ña ndáa ini ndó Ndios, ta ta sanatak̄u Jesucristo, ta taxi ra ñato'ó ká'no nda'a ra ñoyívi n̄ino. Ta ñakán ndino'o ini ndó kándixa ndó Ndios, ta ndáa ini ndó ra ña ndáti ndó kasa ndivi ra to'on ña k̄indo'o ra xí'in ndó.

22 Ta vitin xa'a ña kisa ndivi ndó to'on ña ndaa n̄ika'an Ndios, ta Níma Ndios kisa chiño ña ini ndó ña nduu ndó n̄ivi na ndii noo Ndios. Ta xa'a ñayó'o kómí ndó ndee Ndios ña kúchiño kuki'vi ndino'o ini ndó koni tá'an ndó. Ta saá x̄ini ñó'ó kuki'vi ini ndó koni tá'an ndó xí'in ndi'i ndee ndó.

23 Chi Ndios taxi ra ña kaku xaá ndó vitin, ta on s̄iv̄i ñii kúu ñayó'o xí'in ña si'na kaku ndó t̄ixin si'í ndó ñoyívi yó'o, chi ndi'i n̄ivi na kaku ñoyívi yó'o kixaa ña k̄iv̄i nayó'o. Ta vitin xí'in ndee to'on Ndios ndó'ó kaku xaá ndó, ta saá kutaku ndó xí'in Ndios ndi'i saá k̄iv̄i. Saá chi to'on Ndios on vása ndi'i xa'a ña, táku to'on ra ndi'i saá k̄iv̄i.

24 Chi to'on Ndios, ña n̄itaa ñii taprofeta x̄ina'á, káchí ña saá:

Ndi'i n̄ivi ndatán yóo ku'u kuí, saá yóo na.

Ñaká'no livi ña kómí n̄ivi, yóo ña ndatán yóo yita livi ña xá'no noo ku'u kuí.

Chi ku'u kuí yíchi ña, ta ñii k̄i'va saá yíchi yita livi xí'in ña, ta nakava ña noo ño'o ta ndi'i xa'a ñayó'o;

²⁵ ta to'on Ndios, on vása ndi'i xa'a ña, ta táku ña ndi'i saá k̄ivi ña vaxi, káchí to'on Ndios ña n̄itaa ñii taprofeta. Ta to'on Ndios yó'o, kúu to'on va'a ña n̄ika'an ndoso na noo ndó.

2

¹ Ñakán x̄ini ñó'ó sandakoo ndó ké'é ndó ndi'i noo ña on vá'a, on ka'an ka ndó to'on vatá, ta ni on sandá'ví ndó ink̄a n̄ivi; on kuu ka ndó n̄ivi na ov̄i yu'u; on kasa kuíni ini ndó xí'in tá'an ndó; ta on ka'an ndó to'on visi xa'a ink̄a n̄ivi.

² Ndatán yóo napá'á válí na sakán kaku, ta x̄i' na soko ta xí'in ndino'o ini na ndúkú na ña chichín na, saá x̄ini ñó'ó nandukú ndó ndi'i ña nina va'a ña taxi vivíi kua'no ndó yichi Ndios, saá x̄ini ñó'ó kutaku ndó nda kixaa k̄ivi ña naki'in ra ndó'ó ta kutaku ndó xí'in ra ndi'i saá k̄ivi.

³ Chi ña vaxi kua'no ndó saá, ta ndixa xa kúndaḡ ini ndó ndí Jesucristo kúu taḡ ta va'a ní.

To'on yó'o ká'an ndí Jesucristo yóo ra ndatán yóo yuu ká'no ña táku

⁴ Kuyatin ka ndó noo Jesucristo, Taḡ taKá'no noo yó; ndatán yóo ñii yuu ká'no ña táku, saá yóo ra. Vará n̄ivi sakana na yuu yó'o, ta Ndios

naḡaxin ra yuḡ yó'o kuu ña yuḡ noḡ ña kunakaḡ xa'a ve'e.

⁵ Ta saá ndó'ó, ndatán yóo kuḡ'a ní yuḡ táku, saá yóo ndó. Ta Ndios xini ñó'ó ra ndó'ó ña kasa va'a ra ve'e ño'o ra. Ta ndatán yóo nasutu yiḡ, saá yóo ndó noḡ Ndios ña sóko ndó noḡ ra ña kúu ña sákusiḡ ini ra, ta xa'a ndi'i ña kisa ndivi Jesucristo, Ndios ndixa náki'in ra ña sóko ndó noḡ ra.

⁶ Chi to'on ña niḡa'an Ndios ña nitaḡ taprofeta xiḡa'a, káchí ña saá:

Kani ndichiḡ ñii yuḡ ká'no ña kúu ñanoḡ ña kunakaḡ titon xa'a ve'eḡ ña kuva'a xiki Sion.*

Naḡaxinḡ ña kuu ña yuḡ ña ndaya'ví ní, ña ká'no ka noḡ ndi'i inka yuḡ ña ñó'o ve'e ño'oḡ.

Ta ndatán yóo yuḡ yó'o, saá yóo taḡ ta naḡaxinḡ; chi tayó'o kuu taḡ ndaya'ví ní, ta taḡnoḡ kuu ra noḡ ndi'i nañoḡḡ,

ta ndi'i nivi na kándixa taḡ ta naḡaxinḡ yó'o, andḡ ñii kivi on vása kuka'an noḡ nivi yó'o chi on sandá'ví ra na,

káchí to'on Ndios.

⁷ Ta ndó'ó nivi na kándixa Jesucristo, ndatán yóo yuḡ ká'no ña ndaya'ví ní, saá yóo ra noḡ ndó, ta noḡ inka nivi na on xiḡin kandixa Jesucristo, on vása ndaya'ví ra noḡ na, ta saá kúndivi to'on Ndios ña káchí saá:

Yóo yuḡ ña ni-xiin nivi na kisa va'a ve'e koni ñó'ó na,

ta miḡ yuḡ yó'o nduḡ ña yuḡ ñanoḡ nákaḡ xa'a ve'e,

* 2:6 Noḡ xiki Sion nákaḡ ñoo Jerusalén vitin.

saá káchí tọ'on Ndios.

⁸ Ta tuku ká'an tọ'on Ndios, káchí ña saá:

Yuu yó'o kúu ña káchí'i xá'a ñivi ta ñáni na, káchí tọ'on Ndios. Ndi'i ñivi na káchí'i xá'a ta ñáni na sata yuu yó'o kúu ñivi na on xjin chikaa so'o, ta ni on xjin na kasa ndivi na tọ'on ña ká'an xá'a Jesucristo. Ta Ndios xa chitoní ra saá kundo'o ñivi na on xjin koni so'o tọ'on ra.

Tọ'on yó'o ká'an xá'a ñivi na kúu naño Ndios

⁹ Ta ndó'ó, on sivi ñivi na on xjin kandixa Jesucristo kúu ndó. Ndios ñakaxin ra ndó'ó kuu ndó sa'ya mji ra. Ta kúu ndó nasutu na kisa chiño noo taRey Jesucristo, ta naño yji Ndios kúu ndó'ó. Ndios kúu ta ta kana ndó'ó ta tava ra ndó'ó noo yichi naa ña on vá'a xitaku ndó, ta vitin va'a táku ndó kua'an ndó yichi noo ye'e ño'o livi ní Ndios. Ñakaxin ra ndó'ó xá'a ña ka'an ndoso ndó xí'in ñivi ña kundaã ini na xá'a ndi'i ñava'a ke'é Ndios.

¹⁰ On sivi ñivi na kándixa Ndios xikuu ndó si'na, ta vitin naño Ndios kúu ndó; si'na ñixika ndó yichi noo nisaa ini Ndios xini ra ndó'ó, ta vitin Ndios xa sakaku ra ndó'ó, ta ndixa kisa ká'no ini ra xá'a ndó.

Tọ'on yó'o ká'an ndí xini ñó'ó kasa ndivi yó ña ká'an Ndios

¹¹ Nañani yó xí'in náki'va yó, na kí'vi ní ini j xini j kúu ndó. Ndatán yóo ñivi na yá'a kua'an kuiti, saá yóo ndó táku ndó ñoyivi yó'o. Ta saá xáku ndá'ví j noo ndó, on taxi xí'in mji ndó ña kasa ndivi ndó ña on vá'a kóni yiki koñu ndó, chi ña on vá'a kóni yiki koñu ndó káni tá'an ña xí'in ñava'a kóni níma ndó.

12 Ta va'a vivíi kutaku ndó noo nivi na on xijn kandixa Ndios. Vará ká'an na ña on vá'a xa'a ndó, ta saá tá xíto na ñava'a ké'é ndó, ta saá kasa ká'no na Ndios xa'a ñava'a yó'o kivi kasa nani Ndios xa'a kuachi ndi'i nivi.

13 Chi xa'a ña ndíkõn ndó Jesucristo, xini ñó'ó kasa to'ó ndó ta kasa ndivi ndó chiño va'a ña ndúkú nivi na xá'nda chiño noo ndó, án tarey ká'no kúu ra,

14 án inkã naná'no na sãkuiso chiño tarey kúu na. Chi tarey taxi ra ndayí nda'a naná'no yó'o ña saxo'vi na nivi na ké'é ña on vá'a, ta taxi ra ndayí nda'a na ña ka'an na to'on va'a ña kasa to'ó na nivi na ké'é chiño va'a.

15 Chi Ndios kóni ra kasa ndivi ndó ñava'a, ta saá nivi na naa ini xí'in nivi na yá'a sijn on kuchiño na naní'i na to'on ndiva'a ka'an na xa'a ndó.

16 Ndatán yóo nivi na xika ndíka, saá táku ndó. Chi on sivi ka ndayí kúu ña xá'nda chiño noo ndó. Ta saá vitin táku ndíka ndó xa'a ña kasa ndivi ndó ña kóni Ndios, ta on vá'a ndikó ndó kasa ndivi ndó ña xá'nda chiño ña on vá'a. Va'a kasa ndivi ndó chiño ña kóni Ndios, chi nivi na kisa chiño noo Ndios kúu ndó.

17 Kasa to'ó ndó ndi'i nivi. Ta ndixa kuki'vi ini ndó koni ndó nañani ndó xí'in náki'va ndó na kándixa Jesucristo. Ta ndixa kasa ká'no ndó Ndios. Ta kasa to'ó ndó tarey ta xá'nda chiño ñoo ndó.

18 Ndó'ó naesclavo, xini ñó'ó kasa ndivi ndó ña xá'nda chiño tapatrón ndó ta kasa to'ó ndó ra. Saá ke'é ndó xí'in ra tá va'a ta kúu ra, ta va'a ini ra, ta ñii ki'va saá va'a ke'é ndó xí'in ra

tá ɔn vá'a t̩a kúu ra, ta kúu ra t̩a t̩a ndiv̩a'a ní ini.

19 Ta n̩ivi na x̩ín̩i ke'é ñav̩a'a ña kóni Ndios ta k̩isa ndivi na ñav̩a'a yó'o, ta saá ni, ta yóo ink̩a n̩ivi ta s̩axo'v̩i na nayó'o, ta n̩ivi na ké'é ñav̩a'a yó'o ta kúndeé ini na x̩í'in ña xó'v̩i na, ta saá naki'in na ñav̩a'a nda'a Ndios.

20 Ta ndó'ó, tá ke'é ndó ña ɔn vá'a ta kúndeé ini ndó x̩í'in ña xó'v̩i ndó xa'a ña ɔn vá'a ke'é ndó, ta noo Ndios ɔn v̩asa ndáya'ví ña kúndeé ini ndó x̩í'in ña xó'v̩i ndó. Ta saá ni, tá ke'é ndó ñav̩a'a, ta xó'v̩i ndó xa'a ñav̩a'a ke'é ndó, ta kúndeé ini ndó x̩í'in ña xó'v̩i ndó, ñayó'o kúu ña kóni Ndios, ta ndáya'ví ní ña noo ra.

21 Ndios kana ra ndó'ó kundikɔn ndó yich̩i Jesucristo, ta ndatán x̩í'in ña ká'no ini Jesucristo n̩ixo'v̩i ní ra xa'a ndó, ñii k̩i'va saá x̩ín̩i ñó'ó ká'no koo ini ndó ta kúndeé ndó x̩í'in ña xó'v̩i ní ndó.

22 Ta Jesucristo, anda ñii k̩iv̩i ɔn v̩asa ní-ke'é ra ña ɔn vá'a, ta ni ɔn v̩asa ní-ka'an ra ñavatá, ni nda lo'o n̩i-sandá'ví ra n̩ivi.

23 Ta saá ni, n̩ivi n̩ika'an na to'on ña kándiv̩a'a x̩í'in ra, ta m̩ii ra anda lo'o n̩i-ndikó ra ka'an ra to'on ndiv̩a'a x̩í'in na. Tá n̩ivi saxo'v̩i ní na ra, ta m̩ii ra ɔn v̩asa ní-ka'an ra x̩í'in n̩ivi yó'o ndí ñii k̩iv̩i cha'vi na xa'a ña saxo'v̩i na ra. Saá chi ndáa ini ra Ndios ña kasa nani ra x̩í'in ñandaa xa'a ndasaá yóo ña ke'é ñii ñii n̩ivi.

24 M̩ii Jesucristo nakuiso ra ndi'i kuachi yó k̩iv̩i n̩ixi'j̩ ra nda'a tón cruz. N̩ixo'v̩i ra saá xa'a yó ña kuchiño sandakoo yó kuachi yó ta ɔn ke'é ka yó ña ɔn vá'a, ta kuchiño kutaku yó kasa ndivi yó ña kóni Ndios. Ta xa'a ña takué'e yikí koñu

Jesucristo kúu ña nduṽa'a yó.

²⁵ Ndatán yóo ndikachi tí ndañó'ó ñoo xito'o rí, saá ñixiyo ndó si'na. Ta vitin xa ñandikó ndó ñoo Jesucristo, ta kúu ta ta ndáa ndó'ó. Ndatán vivii ndáa ñii ta ndikachi sana ra, saá vivii ndáa Jesucristo ndó'ó ndi'i saá kivi, ña on ndi'i xa'a ndó.

3

To'on yó'o ká'an ndasaá xini ñó'ó kutaku ñivi na xa tonda'a

¹ Ta ndó'ó, náki'va yó ná yóo yii, xini ñó'ó kasa to'ó ndó yii ndó, ta kasa ndivi ndó ndi'i chiño va'a ña ndúkú yii ndó ñoo ndó. Ta saá, tá on sivi na kándixa to'on ñava'a xa'a Jesucristo kúu yii ndó, ta xa'a ña xito na va'a táku ndó xí'in na, ta saá chika'a ini na kandixa na Jesucristo, vará on ta'an ka'an ndó xí'in na xa'a ra.

² Kuchiño yii ndó kandixa na to'on va'a xa'a Jesucristo chi xito na ndixa táku ndii ndó, ta kisa ndivi ndó ña kóni Ndios.

³ On chinóo ní ndó ke'é ndó ndasaá kuiti xa'a ña ndasa livi xí'in mii ndó. Saá chi ña ndixa ndása livi náña'a on sivi ña livi nó'ni yisi sini ná kúu ña, ni on sivi ña ndóo ndaa xí'in mii ná ña kúu ka oro, ni on sivi ña ndixin ná tikoto livi ña yá'vi ní kúu ña.

⁴ Ta va'a ka kundi'i ini ndó, ta chika'a ndó ndee xí'in mii ndó ña va'a koo ini ndó ñoo Ndios. Chi náña'a ná va'a ini ta to'ó ini kúu ná ndixa livi ndino'o ta ndáyá'vi ní ka náyo'o ñoo Ndios. Saá chi ña livi ini náyo'o nda ñii kivi on vása ndi'i xa'a ña.

⁵ Nii kɪ'va saá náña'a ná kãdixa Ndios kuiya xina'á xikuu ná ná livi ini noo Ndios. Saá chi xindaa ini ná Ndios ña kisa ndivi ra ña nika'an ra, ta kisa to'ó ná yij ná ta kisa ndivi ná chiño va'a ndukú yij ná noo ná.

⁶ Nii kɪ'va saá ke'é ñá Sara xina'á, chi kisa ndivi ñá ndi'i ñava'a nika'an yij ñá ta Abraham xí'in ñá, ta xika'an ñá to'on yó'o xí'in ra: “Tata, mji taká'no noo i.” Ta ndó'ó náki'va yó, tá ké'é ndó ñava'a ta on vása yí'ví ndó ña on vá'a, ta saá yóo ndó ndíkõn ndó ndatán nixiyo ñá Sara kuiya xina'á.

⁷ Ta ndó'ó, nañani yó na yóo násí'í, xini ñó'ó vivii kutaku ndó xí'in násí'í ndó. Kasa to'ó ndó ná, vará lo'o ndee kómí ná noo ñandee kómí ndó, chi násí'í ndó yó'o ñii káchí naki'in ná xí'in ndó ñava'a ña kúu ña kutaku ndó xí'in Ndios ndi'i saá kivi ña vaxi. Tá va'a kisa ndivi ndó saá xí'in násí'í ndó, ta on kóo ña kasi noo to'on ndó, ña konj so'o Ndios ña ká'an ndó xí'in ra.

To'on yó'o ká'an ndasaá xó'vi ñivi vará ké'é na ñava'a

⁸ Vitin ká'an j xí'in ndi'i ndó. Xini ñó'ó vivii kutaku ndó xí'in tá'an ndó ta koo yu'ú ndó xí'in tá'an ndó; kundá'ví ini ndó koni tá'an ndó; kuki'vi ini ndó koni tá'an ndó ndatán kí'vi ini ndó xini ndó ñani mji ndó xí'in kɪ'va mji ndó. Chindee tá'an ndó xí'in ña xini ñó'ó ndó; ta ká'no koo ini ndó xí'in tá'an ndó.

⁹ Tá yóo ñivi na ké'é ña on vá'a xí'in ndó, ta on ke'é ndó ña on vá'a xí'in na. Tá yóo ñivi na ká'an to'on ndiva'a xí'in ndó, ta on ka'an ndó to'on ndiva'a xí'in na. Xini ñó'ó ndukú ndó noo Ndios ña ke'é ra ñava'a xí'in ñivi na ké'é án ká'an ña on

vá'a xí'in ndó, saá chi Ndios naxaxin ra ndó'ó ña ke'é ndó ñava'a xí'in ñivi. Ta xa'a ñayó'o ndó'ó ndixa naki'in ndó ñava'a ño Ndios.

¹⁰ Ta to'on Ndios ña ñitaa na xina'á, káchí ña saá:

Tá kóni ndó sji kutaku ndó, ta ñii kiva saá kóni ndó va'a koo ndó ñoyívi yó'o,

ta saá kundaa va'a xí'in mji ndó ña on ka'an ndó to'on ndiva'a xa'a ñivi,

ni on ka'an ndó ñavatá ña sandá'ví ñivi.

¹¹ Sandakoo ndó ké'é ndó ña on vá'a, ta xini ñó'ó ke'é ndó ñava'a.

Ndixa chikaá ndó ndee ña ndukú ndó va'a kutaku ndó xí'in ñivi.

¹² Chi Ndios ndáa ra ñivi na ké'é ñandaa,

ta xa yóo ti'va ra ndakuijn ra xa'a ña ndúkú na ño ra,

ta Ndios sáa ini ra xini ra ñivi na ké'é ña on vá'a, saá káchí to'on Ndios.

¹³ Tá chikaá ndó ndee ña ke'é ndó ñava'a, ta saá, zyú kúu ñivi ke'é ña on vá'a xí'in ndó?

¹⁴ Ta saá ni, tá xó'vi ní ndó vará ké'é ndó ñava'a, ta Ndios chindeé ra ndó'ó ña kunakaá ñasji ini ndó. On kuyi'ví ndó ño nda ñii ñivi, ta ni on kundi'i ini ndó ño ña on vá'a ke'é na xí'in ndó.

¹⁵ Ta xí'in ña ndino'o ini ndó kasa to'ó ndó Jesucristo, chi taKá'no ño yó kúu ra. Tá yóo ñivi na ndaka to'on ndó'ó: “¿Ndachun kándixa ndó Jesucristo?”, kachí na xí'in ndó, ta ndó'ó xa koo ti'va ndó ndakuijn ndó ndato'on ndó xí'in na xa'a ña ndachun ndáa ini ndó Jesucristo, ta ndáa ini ndó ña ndixa kasa ndivi ra ña kindo ra xí'in ndó, ta xí'in ñato'ó ka'an ndó xí'in na ta vivii ndakuijn ndó yu'u na.

16 Kasa ndivi ndó ñava'a ta vivii kutaku ndó ña on koo ña sandi'i ini ndó noo Ndios. Ta saá, tá ká'an ndiva'a nivi xa'a ndó'ó, ta kuka'an noo na xa'a to'on vatá ká'an na, chi xito na ñava'a ké'é ndó xa'a ña ndíkõn ndó Jesucristo.

17 Tá taxi Ndios ña xo'vi ndó, ta va'a ka ná xo'vi ndó xa'a ña ké'é ndó ñava'a noo ña xo'vi ndó xa'a ña ké'é ndó ña on vá'a.

18 Saá chi mji Jesucristo nixo'vi ra ta nixi'i ra ñii laá yichi xa'a ndi'i kuachi nivi. Taa ta va'a kuu ra, taa ta on koó kuachi kómí kuu ra, ta nixo'vi ní ra xa'a ndi'i mji yó nivi na ndiso kuachi; ke'é ra saá ña kuchiño kuyatin yó noo Ndios ta kutaku yó xí'in ra ndi'i saá kivi. Tá saxo'vi ní nivi yiki koñu Jesucristo ta xa'ni na ra, ta natakũ ra noo ña nixi'i ra, ta ndixa táku ndino'o ra vitin.

19 Tá mií on ta'án natakũ Jesucristo, ta Níma ra kee ña nixa'an ña nika'an ndoso ña noo níma nivi na nixi'i kuyiá xina'á, níma nivi ña ñó'o ñii xiiña ña yoo ndatán yoo ñii ve'e ka.

20 Ta nivi yó'o xikuu na xitaku kuyiá xina'á xí'in taNoé, ta ke'é na ndi'i noo ña on vá'a ña on vása kóni Ndios. Ta Ndios taxi ra ndayí nda'a taNoé ña kasa va'a ra tón barco, ta kuá'a ní kuyiá kúva'a tón barco yó'o, ta ndi'i saá kuyiá yó'o Ndios xí'in ña ká'no ini ra xindati ra ña nandikó ini nivi yó'o xa'a ña on vá'a ké'é na. Ta ndasaá kuiti oná nivi xikuu na xiño'o ini tón barco, ta nikaaku na noo ña ka'a na ini takuií.

21 Ta vitin mji yó, xa'a ña kándixa yó Jesucristo, chíchi yó ini takuií, ta ndatán Ndios sakaku ra taNoé kuyiá xina'á ña on ka'a ra ini takuií, saá sakaku ra mji yó ña on ndi'i xa'a yó. Ta ña xa chíchi yó saá, on sivi xa'a ña ndundii

yíkí koñu yó xikuu ña. Saá chi ña xa chichi yó kóni kachí ña ndí xa kindoo yó xí'in Ndios ña kutaku ndii yó noo ra. Ta xa'a ña natakú Jesucristo, Ndios kúchiño sakaku ra mji yó.

²² Ta Jesucristo ndaa ra kuano'o ra ñoyívi ñino, ta yóo ra siin kua'á Ndios, ta xá'nda chiño ra noo naángel ta xá'nda chiño ra noo ndi'i ndee ña kómí ndayí ñoyívi ñino.

4

Tə'on yó'o ká'an ndí xíní ñó'ó vivii kasa ndivi yó

ndatán kóni Ndios

¹ Xa'a ña nixoví ní Jesucristo xa'a yó tá'an xitaku ra ñoyívi yó'o, ta ñii kiva saá ndó'ó xíní ñó'ó sakuá'á ndó ña koo ti'va ndó ña xo'vi ndó xa'a ña ndíkon ndó Jesucristo. Chi ñivi na xó'vi xa'a Jesucristo, nayó'o xa sandakoo na yichí noo ké'é na ña on vá'a.

² Xa'a ña nixoví ní na xa'a ra, ñivi na ndíkon Jesucristo on vása kisa ndivi ka na ña on vá'a kóni yíkí koñu mji na, nda víka ndi'i saá kivi táku na ñoyívi yó'o chíkaa na ndee ña kasa ndivi na ña kóni Ndios.

³ Chi xa ku'a ní kuia xitaku ndó ké'é ndó ña on vá'a ña kútoo ní ñivi ñoyívi yó'o na kúu na on vása kándixa Ndios. Xikuu ndó nataa na xikutoo ní kivi kuachi ñoyívi xí'in náña'a ná on sivi násí'í ndó kúu, án xikuu ndó náña'a ná xikutoo ní kivi kuachi ñoyívi xí'in nataa na on sivi yii ndó kúu, ta kisa ndivi ndó ndi'i ña on vá'a ña kútoo ní yíkí koñu mji ndó; xikuu ndó ñivi na xi'i ní nduta tá sáxíini ñivi; xikuu ndó ñivi na

n̄ixika n̄oḡ kána vikḡ n̄oḡ ke'é ndó ndi'i saá n̄oḡ ñakini ña káchí ini m̄ji ndó; ta ink̄a ña kini ní ke'é ndó x̄ikuu ña k̄isa tḡ'ó ndó ña kúu ídolo án ñaimagen ña ḡn s̄iví N̄dios ndino'o kúu.

⁴ Ta vitin n̄ivi natá'an ndó na si'na ñii káchí n̄ixika ndó x̄í'in, nayó'o ḡn vása kúndaḡ ini na ndachun ḡn x̄iin k̄a ndó nakutá'an ndó x̄í'in na ta ke'é ndó ña ḡn vá'a ké'é na, ta saá x̄a'ḡ ña ḡn vása táku k̄a ndó ndatán táku nayó'o kúu ña ká'ḡn na tḡ'on ndiv̄a'ḡ x̄a'ḡ ndó vitin.

⁵ Ta ḡn kundi'i ini ndó, chi kixaa ñii k̄iv̄i nan̄ivi yó'o ndakuijn na n̄oḡ N̄dios x̄a'ḡ ndi'i ña ḡn vá'a ke'é na, chi N̄dios x̄a yóo ti'va ra kasa nani ra x̄a'ḡ kuḡchi ndi'i n̄ivi, án na táku kúu na, án na xa n̄ixi'j̄ kúu na.

⁶ Ta Jesucristo n̄ix̄a'ḡn ra n̄oḡ n̄ivi na xa n̄ixi'j̄, ta n̄ik̄a'ḡn ndoso ra tḡ'on va'ḡ x̄í'in na x̄a'ḡ ña kuchiño kutaku n̄im̄a na x̄í'in N̄dios, vará ȳik̄i koñu na ña xa nd̄i'i x̄a'ḡ kúu ña, chi n̄ixi'j̄ na, ndatán ch̄indú'u N̄dios ndi'i n̄ivi k̄iv̄i na x̄a'ḡ kuḡchi na.

⁷ Xa yatin vāxi ña kixaa k̄iv̄i sondí'í ñoyívi yó'o. Ta saá x̄in̄i ñó'ó vivíi ndino'o kundito ndó ña koo ti'va ndó kasa ndivi ndó ña kóni N̄dios, ta ndi'i saá k̄iv̄i taxi ndino'o x̄í'in m̄ji ndó ña k̄a'ḡn ndó x̄í'in N̄dios.

⁸ Ña ká'no k̄a x̄in̄i ñó'ó kasa ndivi ndó kúu ña x̄í'in ndi'i n̄im̄a ndó kuki'vi ini ndó koni tá'an ndó, chi tá va'ḡ k̄isa ndivi ndó ñayó'o, ta saá ndixa yóo ti'va ndó kasa ká'no ini ndó x̄a'ḡ ña ḡn vá'a ke'é natá'an ndó x̄í'in ndó, vará kuḡa'ḡ ní ña ḡn vá'a ke'é nayó'o.

⁹ Ta vivíi naki'in ndó n̄ivi na kándixa Jesucristo na kixaa ve'e ndó, ta x̄í'in ñasīj̄ ini ndó ke'é ndó

ñava'a xí'in na, ta on ka'an kuáchí ndó xa'a ña ké'é ndó saá.

¹⁰ Ndios saní'i ra ndee va'a nda'a ñii ñii ndó, ta ñii ñii ndó xíni ñó'ó koni ñó'ó ndó ndee va'a yó'o ña chindeé tá'an ndó.

¹¹ Tá Ndios saní'i ra ñava'a sava ndó'ó ña kúchiño ndó ka'an ndoso ndó to'on ra noo ñivi, ta xíni ñó'ó ka'an ndó to'on ña ndaa ña ndixa vaxi noo Ndios. Tá Ndios saní'i ra ñava'a sava ndó'ó ña kúchiño ndó kasa ndivi ndó chiño va'a ña xíni ñó'ó natá'an ndó, ta saá kasa ndivi ndó chiño yó'o xí'in ndee ña ndixa vaxi noo Ndios. Ta ñii ñii ñava'a ké'é ndó, vivíi kasa ndivi ndó ña xa'a ñivi na xíto ñava'a yó'o ña kuchiño kasa ká'no na Ndios, saá chi Jesucristo kúu ta chindeé ñivi ña kasa ká'no na Ndios. Ta xa kánóo síkón ñato'ó ká'no Jesucristo, ta xa kómí ra ndee ña xá'nda chiño ra ndi'i saá kivi noo ndi'i ña yóo ñoyívi. Saá ná koo ña.

To'on yó'o ká'an xa'a ñivi na ndikõn Jesucristo xó'vi ní na ñoyívi yó'o

¹² Nañani yó xí'in náki'va yó, na kí'vi ní ini i xíni i kúu ndó'ó. On naka'nda ini ndó chi xa xó'vi ndó ña yó'vi ní ña kúu ña xíto ndoso ndó'ó, ta on kani siní ndó ndí ndasaá kuiti mji ndó kúu na xó'vi ní xa'a ña kándixa ndó Jesucristo.

¹³ Nda víka, ná kunakaa ñasii ini ndó xa'a ña xó'vi ndó ndátan yóo ña ñixó'vi ní Jesucristo. Ta saá ndixa kutú ndaa ka ñasii ini ndó kivi ndikó ra ñoyívi yó'o xí'in ndi'i ñava'a ká'no ña lívi yé'e.

¹⁴ Tá yóo ñivi na ká'an to'on ndiva'a xí'in ndó chi na ndikõn Jesucristo kúu ndó, ta xa'a ñayó'o ná kunakaa ñasii ini ndó. Chi Níma Ndios ña kúu ña ndino'o ká'no, yóo ña xí'in ndó ndi'i saá

kivi. Ta nivi na on vása kándixa Ndios ká'an ndiva'a na xa'a Níma ra, ta ndó'ó na kándixa Ndios ndixa kisa ká'no ndó Níma ra.

15 Tá xó'vi ní ndó, ta va'a ná on kuu ña xa'a ña xa'ni ndó nivi, ni xa'a ña kisa kuí'ná ndó, ni xa'a ña ke'é ndó inká noo ña on vá'a ña yá'a ndoso ndó ndayí, ni xa'a ña sakuiso chiño xí'in mji ndó ká'an ndó xí'in inká nivi ndasaá xini ñó'ó kasa ndivi na chiño mji na.

16 Tá xó'vi ndó xa'a ña kúu ndó nivi na ndíkõn Jesucristo, ta saá on vása kuka'an noo ndó xa'a ña ndíkõn ndó ra, ta nda víka kasa ká'no ka ndó Ndios xa'a ña inká nivi ndixa nakoni na ndí ndó'ó kúu na kándixa Jesucristo.

17 Saá chi vitin xa kixaá kivi ña kixá'á Ndios kasa nani ra xa'a ndi'i nivi ndatán yoo ña ke'é na, ta si'na kixá'á ra kasa nani ra xa'a nivi na kándixa ña'á. Tá vitin xa kixá'á ra xí'in mji yó ta xó'vi ní yó, ta ndeé ní ka xo'vi nivi na nda lo'o on xjin chikaá so'o to'on va'a ña ñika'an Ndios.

18 Chi to'on Ndios ña ñitaa na xina'á, káchí ña saá: Ta nivi va'a, kundo'o ní na ta yo'vi ní taxi na mji na ña sakaku Ndios na, ta saá, yo'vi ní ka kuchiño kaku nivi na ké'é ña on vá'a, na on xjin kandixa Ndios, káchí to'on Ndios.

19 Ñakán ndó'ó, tá xó'vi ndó chi saá taxi Ndios kundo'o ndó, ta on vá'a sandakoo ndó ké'é ndó ñava'a xí'in inká nivi, ta ndixa xini ñó'ó nataxi xí'in mji ndó nda'a Ndios, chi Ndios kúu ta ta kisa va'a ndó'ó, ta ndixa kisa ndivi ra to'on ra ña kindo'o ra xí'in ndó.

5

To'on yó'o ká'an ndasaá xini ñó'ó

kutaku na ndiso chiño ñoq ñivi na kándixa Jesucristo

¹ Vitin ká'an̄ i xí'in ndó'ó nañani yó, naxikua'a na ndiso chiño ñoq ñivi na kándixa Jesucristo, saá chi yì'i, ndatán yóo ndó'ó na ndiso chiño, saá yóo i. Ta yì'i x̄ini káxín i ña ndasaá ñixo'v̄i ní Jesucristo xa'a ndi'i yó. Ta k̄ivi ndikó Jesucristo ñoyívi yó'o, ta saá koto yó ña yé'e livi xí'in ñandee va'a ká'no ña kómí ra. Ta saá ñoyívi ñino ñii káchí xí'in ra kukomí yó ña yé'e livi xí'in ndee va'a ká'no yó'o.

² Xáku ndá'v̄i ñoq ndó, va'a kundaa ndó ñivi na nákutá'an xí'in ndó xa'a ña kándixa na Jesucristo. Ndatán va'a vivíi ndáa ñii ña ndikachi saña ra, saá va'a kundaa ndó ñivi yó'o, chi Ndios sakuiso chiño ra ndó'ó ña kasa ndivi ndó saá xí'in na. Ná on̄ kuu ña kundaa ndó na xí'in ñanduxa, ná on̄ kuu ña kundaa ndó na xa'a s̄i'ún, ta va'a xí'in ñas̄i ini ndó kundaa ndó na, ta xí'in ndino'o ním̄a ndó kasa ndivi ndó ña kóni Ndios.

³ On̄ kani s̄inj̄i ndó kómí ndó ndi'i ñoq ndayí ña ka'nda chiño ndó ñoq natá'an ndó na kándixa Jesucristo na kúu na ndiso chiño ndó xí'in. Ta x̄inj̄i ñó'ó si'na m̄ji ndó vivíi kuni'i ndó yich̄i va'a kutaku ndó ñoq nayó'o, ta saá kuchiño na kundik̄on na yich̄i ndó.

⁴ Saá chi ñii k̄ivi ndikó tuku taKá'no va'a ñoq yó ñoyívi yó'o. Ta m̄ji ra kúu taKá'no va'a ñoq ndó'ó na ndiso chiño ta vivíi ndáa ndó natá'an ndó na kándixa Jesucristo. Ta k̄ivi ndikó ra, ta saá taxi ra nda'a ndó ñava'a ña livi ká'no ña nda lo'o on̄ vása ndi'i xa'a nda ñii k̄ivi.

⁵ Ta ndó'ó ñivi nakuáchí na kándixa Jesucristo,

xíni ñó'ó kasa to'ó ndó nataa naxikua'a na ndíso chiño xí'in ndó, ta kasa ndivi ndó to'on ña ká'an na xí'in ndó. Ta ndi'i ndó'ó ñivi na kándixa Jesucristo, xíni ñó'ó kasa ñiño xí'in mji ndó, ta xí'in ñato'ó chindeé tá'an ndó, chi to'on Ndios ña ñitaa na xina'á, káchí ña saá:

Ndios on xjin ra koni ra ñivi na kisa ká'no xí'in mji,

ta ndixa ké'é ra ñava'a xí'in ñivi na kisa ñiño xí'in mji noo ra,

káchí to'on Ndios.

⁶ Ta xa'a ñayó'o, kasa ñiño xí'in mji ndó noo ndee Ndios, ta saá kixaa kivi ña chitóni Ndios, ta ndixa kasa ká'no ra ndó'ó.

⁷ Taxi ndó ndi'i ña sándi'i ini ndó nda'a Ndios, chi tayó'o kí'vi ní ini ra xini ra ndó'ó ta ndáa ra ndó'ó.

⁸ Ta saá xíni ñó'ó vivii ndino'o kundito ndó ña koo ti'va ndó kasa ndivi ndó ña kóni Ndios, ta koto va'a ndó chi ñandiva'a ká'no ndixa sáa ní ini ña xini ña ndó'ó, ta ndatán xika ñii tleón tí xí'i ní soko nándukú rí ña kaxi rí, saá xika ñandiva'a yó'o satá ndó.

⁹ Chikaa ndó ndee xí'in mji ndó ña on kasa ndivi ndó ña kóni ñandiva'a ká'no. Ta xí'in ña ndino'o ini ndó xíni ñó'ó kandixa ndó Jesucristo ta nda lo'o on sandakoo ndó ña ndixa ndáa ini ndó ra, saá chi xa xíni ndó ndí ndi'i saá xiiña ñoyívi yó'o xó'vi ní nañani yó xí'in náki'va yó na kándixa Jesucristo, ndatán xó'vi ndó vitin.

¹⁰ Tá xa ndi'i ñiya'a ña ñixó'vi ní ndó, vará nda lo'o kivi án kuiya ñixó'vi ní ndó, ta Ndios taxi ra ña tuku va'a kutaku ndó. Chindeé ra ndó'ó ña nda ñii kivi on sandakoo ndó kándixa ndó ra, ta taxi ra ndee ra nda'a ndó ña on nakava ini ndó,

ta kasa ndivi ra ñava'a xí'in ndó ña chindeé ra ndó'ó ña ndixa ndino'o ini ndó kandixa ndó ra ndi'i saá kivi ña vaxi. Ndixa mji Ndios kasa ndivi ra to'on ra xí'in ndó xa'a ña kí'vi ní ini ra xini ra ndó'ó, saá chi xa kana ra ndó'ó ñivi na kándixa Jesucristo ña kutaku ndó xí'in ra ndi'i saá kivi ñoyívi ñino ño yó ñava'a ká'no livi.

¹¹ ¡Ná kasa ká'no yó Ndios ndi'i saá kivi, ta ndi'i saá kivi ná ka'nda chiño ra ño ndi'i ña yó ñoyívi! Saá ná koo ña.

Ñayó'o kúu to'on sondí'í ña ñitaa taPedro ño tutu yó'o

¹² Ta ñani yó taSilvano, xí'in ña ndino'o ní ini ra ndikon ra Jesucristo, tayó'o chindeé ra yi'í ña ñitaa ra to'on ño tutu yó'o ña kúu ña ñixaá nda'a ndó, chi kóni ñi ndato'on ñi xí'in ndó ndasaá vivíi xini ñó'ó kutaku ndó, ta ndato'on ñi xí'in ndó ndi'ndi' ñava'a ké'é Ndios xí'in ndó kúu ña sáná'a ndi'ndixa kí'vi ní ini ra xini ra ndó'ó. Ta saá nda ñii kivi on vá'a nandoso ndó ña ndixa kí'vi ní ini Ndios xini ra ndó'ó.

¹³ Ñivi na kándixa Jesucristo na táku ñoo Babilonia yó'o, tí'ví na to'on ña chindeé na ndó'ó. Ñivi yó'o kúu na ñakaxin Ndios ñii káchí ndatán ñakaxin ra ndó'ó ña nduu ndó sa'ya ra. Ta ñani yó taMarcos ta yóo ndatán yóo sa'ya, tí'ví ra to'on chindeé ra ndó'ó.

¹⁴ Ta xí'in ña kí'vi ní ini ndó xini tá'an ndó, chindeé tá'an ñii ñii ndó xí'in ña chito ndó ño tá'an ndó.

Ná koo ñava'a ini ndi'ndi' ndó'ó, ñivi na kándixa Jesucristo. Saá ná koo ña.

**Alcatlatzala Mixtec New Testament
Portions of the Holy Bible in the Alcatlatzala
Mixtec language of Mexico**

copyright © 2019 Wycliffe Bible Translators, Inc.

Language: Mixtec, Alcatlatzala

Contributor: Wycliffe Bible Translators, Inc.

All rights reserved.

2025-05-14

PDF generated using Haiola and XeLaTeX on 14 May 2025 from source
files dated 14 May 2025

a74bfb3f-bd55-5ab9-983e-8d19de48c198